



Na Coimisinéirí Ioncaim

Ráiteas Cosanta Leanaí

Ráiteas Cosanta Leanaí

Ullmhaíodh an Ráiteas Cosanta Leanaí seo de réir an Achta um Thús Áite do Leanaí, 2015 agus an Treoir Náisiúnta um Thús Áite do Leanaí. Leagtar amach ann na prionsabail agus nósanna imeachta atá le comhlíonadh le cinntiú, oiread agus is féidir, go bhfuil leanbh atá ag idirghníomhú leis na Coimisinéirí Ioncaim, slán sábháilte ó bhaol.

Seirbhísí Ábhartha Soláthraithe

Ní chuireann na Coimisinéirí Ioncaim ‘seirbhísí ábhartha’ ar fáil mar atá leagtha amach in Aguisín 2 den Acht um Thús Áite do Leanaí, 2015. Tacaíonn na Coimisinéirí Ioncaim le forbairt cumais leanaí agus daoine óga, agus féadann siad socrúcháin in Oifig na gCoimisinéirí Ioncaim a éascú do dhaltáí idirbhliana agus intéirnigh atá níos óige ná 18 mbliana d’aois. Féadann na Coimisinéirí Ioncaim baill foirne a fhostú atá níos óige ná 18 mbliana d’aois.

Cláir Idirbhliana agus Intéirneachtaí

Cé nach cuid de chroí-fheidhm na gCoimisinéirí Ioncaim iad socrúcháin sna Coimisinéirí Ioncaim do dhaltáí idirbhliana agus d’intéirnigh a éascú, áirítear gníomhaíochtaí den chineál sin i Sceideal 1 den Acht um Thús Áite do Leanaí, 2015, [go sonrach, Mír 5(a) de Sceideal 1 i ndáil le soláthar deiseanna oiliúna do leanaí], agus dá bhrí sin, baineann na dualgais seo a leanas leis na gníomhaíochtaí seo:

Leanbh a choinneáil slán ó dhíobháil le linn don leanbh a bheith ag fáil na seirbhíse [is é sin, ar socrúchán];

Na rioscaí a mheas; agus

Dul i ngleic leis na rioscaí sin, de réir mar a iarrtar san Acht, i Ráiteas Cosanta Leanaí na gCoimisinéirí Ioncaim.

Fostaithe atá níos óige ná 18 mbliana d’aois

Féadtar fostaithe a earcú chun na Coimisinéirí Ioncaim ó 16 bliana d’aois ar aghaidh. Tagann fostaithe atá níos óige ná 18 mbliana d’aois faoin sainmhíniú ar leanbh.

Ní thagann cúrsaí fostaíochta faoin sainmhíniú ar sholáthar seirbhísí ábhartha do leanaí mar atá leagtha amach i Sceideal 1 den Acht um Thús Áite do Leanaí, 2015. I gcás aon fhostaí sna Coimisinéirí Ioncaim atá faoi 18 mbliana d’aois, áfach, tá na Coimisinéirí Ioncaim tiomanta don dea-chleachtas i ndáil le cosaint leanaí.

Is ionann na rioscaí atá ann d’fhostaithe faoi 18 mbliana d’aois agus iad siúd a bhaineann le daltaí/intéirnigh agus sa chomhthéacs sin, déanfar na nósanna imeachta maolaitheacha atá leagtha amach a oiriúnú de réir mar is cuí lena gcur i bhfeidhm i leith na bhfostaithe sin.

Sanntar fostaithe do Rannóga bunaithe ar fholúntais a thagann aníos ar bhonn buan, nó mar gheall ar bhaill foirne ag baint leas as bliain oibre níos giorra. I ndáil leis seo, féadtar fostaithe a shannadh d’oifig ar bith de chuid na gCoimisinéirí Ioncaim i láthair ar bith timpeall na tíre. I ngach cás, tá daoine faoi 18 mbliana d’aois faoi fhreagracht an Cheannasaí Rannóige chuí ar feadh thréimhse an tsocrúcháin/na rannpháirtíochta.

Custaiméirí na gCoimisinéirí Ioncaim faoi 18 mbliana d'aois.

Tá cásanna ann ina bhféadfaidh sé go bhfuil custaiméir faoi 18 mbliana d'aois ag déileáil leis na Coimisinéirí Ioncaim. Is trínár seirbhísí ar líne, ar an bhfón agus tríd an ríomhphost a tharlaíonn an chuid is mó d'idirghníomhú na gCoimisinéirí Ioncaim lenár gcustaiméirí. Oibríonn na Coimisinéirí Ioncaim roinnt seirbhísí oifige poiblí agus seirbhísí coinne go náisiúnta, agus féadann gach custaiméir, lena n-áirítear iad siúd faoi 18, leas a bhaint as na seirbhísí seo. Chomh maith leis sin, ó am go ham, féadfaidh sé go ndéanfaidh Oifigigh na gCoimisinéirí Ioncaim idirghníomhú le leanaí faoi 18 mbliana d'aois ag na Cainéil Imréitigh Custam ag na pointí iontrála chun an Stáit, agus i gcásanna ina bhfuil coireanna amhrasta á n-imscrúdú.

Is beartas na gCoimisinéirí Ioncaim é, i gcás aon idirghníomhú idir cáiníocóir neamhthionlactha faoi 18 mbliana d'aois agus Oifigeach de chuid na gCoimisinéirí Ioncaim, nach mór comhghleacaí eile a bheith i dteannta an Oifigigh de chuid na gCoimisinéirí Ioncaim.

D'fhonn amhras a sheachaint, tugtar treoir do gach fostaí de chuid na gCoimisinéirí Ioncaim nach bhfuil siad le teagmháil duine ar dhuine neamhthionlactha a bheith acu le leanbh ar bith faoi 18 mbliana d'aois le linn a ndualgais oifigiúla a chur i gcrích nó le linn dóibh a bheith ar áitreabh na gCoimisinéirí Ioncaim.

Cásanna eile ina bhféadann sé go mbeidh leanaí ar áitreabh/in oifigí na gCoimisinéirí Ioncaim:

Tá Bainisteoirí Rannóige agus Brainse freagrach as cinntiú go mbíonn tuismitheoirí agus caomhnóirí i dteannta a gcuid leanaí nuair atá siad ag freastal ar oifigí na gCoimisinéirí Ioncaim le haghaidh Imeachtaí Sóisialta, amhail cóisirí Nollag.

Tá Bainisteoirí Rannóige agus Brainse freagrach as an méid seo a leanas a chur i gcuimhne gach uair a tharlaíonn imeacht shóisialta a bhfuil leanaí páirteach ann:

'Is ar a dtuismitheoirí/caomhnóirí ar an gcéad dul síos atá an fhreagracht as sábháilteacht leanaí a bhaineann leas as an imeacht seo. Ba chóir do thuismitheoirí/caomhnóirí i gcónaí maoirsiú a dhéanamh ar leanaí atá ag freastal, agus iad a thionlacan, agus iad ar áitreabh na gCoimisinéirí Ioncaim, le cinntiú go bhfuil an imeacht taitneamhach agus slán le haghaidh cách.'

Measúnú Riosca

An riosca aitheanta		An nós imeachta atá i bhfeidhm le rioscaí aitheanta a bhainistiú
1	Riosca ó dhíobháil ó bhall foirne	<ul style="list-style-type: none">○ Measúnú riosca roimh an socrúchán le déanamh ag an mBainisteoir Rannóige○ Socrúcháin do leanaí/daoine óga le bheith in oifigí oscailte amháin.○ Níor chóir go mbeadh rochtain ag leanbh ar aon fhaisnéis, fhisiciúil nó dhigiteach, nach mbeadh feiliúnach lena bhfeiceáil ag duine faoi aois.○ Is gá do bheirt bhall foirne a bheith i dteannta daltaí/intéirnigh na gCoimisinéirí Ioncaim agus fostaithe

		<p>faoi 18 mbliana d’aois nuair atá siad ag freastal ar oiliúint/obair.</p> <ul style="list-style-type: none"> ○ Polasaithe rochtana idirlín TF le tabhairt do gach leanbh faoi 18 mbliana d’aois ○ Is gá do bheirt bhall foirne a bheith i dteannta gach leanbh neamhthionlactha faoi 18 mbliana d’aois nuair atá siad ag freastal ar oiliúint/obair.
2	Riosca ó dhíobháil ó dhuine nach ball foirne é nó í	<ul style="list-style-type: none"> ○ Is gá do bheirt bhall foirne a bheith i dteannta gach leanbh faoi 18 mbliana d’aois nuair atá siad ag freastal ar oiliúint/obair.
3	Riosca ó dhíobháil nó ábhar imní gan a bheith aitheanta nó tuairiscithe	<ul style="list-style-type: none"> ○ Soláthar eolais foirne, maoirseacht agus oiliúint ar líne (Treoir-Oiliúint Náisiúnta na hÉireann um Chosaint agus Leas Leanaí – clár ríomhfhoghlama) ○ Nós imeachta um Thuairisciú ○ Iarmhairtí Dlíthiúla agus Riaracháin mar thoradh ar neamhthuairisciú ○ Sainchomhairliúchán le húsáideoirí seirbhíse – daltaí idirbhliana/intéirneach agus fostaithe faoi 18 mbliana d’aois ○ Soláthar an Ráitis Cosanta Leanaí ○ Eolas do bhainisteoirí agus do bhaill foirne ar leanaí a chosaint san ionad oibre.
4	Riosca neamhchomhlíontachta leis an Acht um Thús Áite do Leanaí, 2015, agus leis an Treoir Náisiúnta.	<ul style="list-style-type: none"> ○ Próiseas dearbhaithe comhlíontachta ○ Daoine Ainmnithe Teagmhála
5	Riosca ó dhíobháil fhisiciúil ar áitreabh na gCoimisinéirí Ioncaim	<ul style="list-style-type: none"> ○ Ráiteas Sláinte agus Sábháilteachta na gCoimisinéirí Ioncaim agus rialuithe gaolmhara le tabhairt agus le míniú do gach dalta idirbhliana/intéirneach agus fostaithe

Maolú Rioscaí

Is mar seo a leanas atá na nósanna imeachta atá i bhfeidhm chun na rioscaí atá leagtha amach thuas a mhaolú:

Cláir Idirbhliana/Intéirneach/Printíseachta

Ní mór gach Clár Idirbhliana sna Coimisinéirí Ioncaim a bheith ceadaithe ag Rannóg Seirbhísí Corparáideacha na gCoimisinéirí Ioncaim. Tá Beartas Cosanta Leanaí na gCoimisinéirí Leanaí le cur le gach ceann de na cláir Idirbhliana, Intéirneach agus Printíseachta de chuid na gCoimisinéirí Ioncaim. Tá an Beartas seo ann chun sábháilteacht, sláinte agus leas leanaí a ghlacann páirt sna cláir seo a chinntiú.

Sa bheartas seo, áirítear go gcuirfí an méid seo a leanas ar fáil do gach rannpháirtí:

- Cóip de Ráiteas Cosanta Leanaí na gCoimisinéirí Ioncaim
- Ainm agus sonraí teagmhála bhall foirne de chuid na gCoimisinéirí Ioncaim chun teagmháil a dhéanamh leo más mian leo aon deacrachtaí/ábhair imní a ardú maidir le mí-úsáid, bulaíocht, iompar míchuí, nó aon ábhar imní don dalta idirbhliana/duine óg
- Sonraí maidir lenár mBeartas Tuairiscithe agus beartas oiliúna i ndáil le Cosaint Leanaí
- Coinneoidh an Teagmhálaí Ainmnithe clár lárnach de nochtuithe a dhéantar faoi Bheartas Cosanta Leanaí na gCoimisinéirí Ioncaim.

Tá cóip den bheartas seo faoi iamh ag Aguisín 1.

Fostaithe faoi 18

Mar chuid den chlár ionductúcháin sna Coimisinéirí Ioncaim, gheobhaidh gach ball foirne buan agus sealadach sna Coimisinéirí Ioncaim faoi 18 mbliana d'aois an méid seo a leanas:

- Cóip de Ráiteas Cosanta Leanaí na gCoimisinéirí Ioncaim
- Ainm agus sonraí teagmhála bhall foirne de chuid na gCoimisinéirí Ioncaim chun teagmháil a dhéanamh leo más mian leo aon deacrachtaí/ábhair imní a ardú maidir le mí-úsáid, bulaíocht, iompar míchuí, nó aon ábhar imní don dalta idirbhliana/duine óg
- Sonraí maidir lenár mBeartas Tuairiscithe agus beartas oiliúna i ndáil le Cosaint Leanaí
- Coinneoidh an Teagmhálaí Ainmnithe clár lárnach de nochtuithe a dhéantar faoi Bheartas Cosanta Leanaí na gCoimisinéirí Ioncaim.

Struchtúr Tuairiscithe

Níl aon 'daoine sainordaithe' ag na Coimisinéirí Ioncaim mar atá sainmhínithe i Sceideal 2 den Acht um Thús Áite do Leanaí, 2015.

Tá Teagmhálaí Ainmnithe (TA) agus Leasteagmhálaí Ainmnithe (LTA) sannta mar dhaoine cuí ag na Coimisinéirí Ioncaim chun chríocha an Achta um Thús Áite do Leanaí, de réir an dea-chleachtais i gcosaint leanaí. Is iad siúd na teagmhálaithe i gcás aon ábhair imní cosanta leanaí sna Coimisinéirí Ioncaim. Tá siad freagrach as cinntiú go leantar na nósanna imeachta tuairiscithe san eagraíocht ionas go ndéantar ábhair imní leasa agus cosanta leanaí a tharchur go pras chuig Tusla. Gníomhóidh siad mar phointe teagmhála do theagmhálaithe cuí i ngach Aonad Acmhainní Daonna Rannóige chun ábhair imní cosanta leanaí a thuairisciú agus déanfaidh teagmháil le gníomhaireachtaí seachtracha, de réir mar a iarrtar.

Is é an Teagmhálaí Ainmnithe ná Príomhoifigeach an Bhrainse Oibríochtaí agus Straitéise Acmhainní Daonna.

Is é an Leasteagmhálaí Ainmnithe ná Oifigeach Cúnta an Aonaid Cásóibre Acmhainní Daonna sa Bhrainse Oibríochtaí agus Straitéise Acmhainní Daonna. CSD_HRSS_05_Unit@revenue.ie.

Aguisín 1

Beartas Cosanta Leanaí na gCoimisinéirí Ioncaim d'fhostaithe agus scoláirí faoi 18 mbliana d'aois.

Ní mór gach Clár Idirbhliana/Intéirneach sna Coimisinéirí Ioncaim a bheith ceadaithe ag an Rannóg Seirbhísí Corparáideacha. Tá beartais dhochta leagtha amach i ndáil leis na cláir seo lena n-áirítear nósanna imeachta chun sábháilteacht, sláinte agus folláine na ndaoine fásta agus na leanaí a ghlacann páirt sna cláir seo.

Folaíonn na beartais seo go gcuirfí an méid seo ar fáil do rannpháirtithe:

Cóip de Ráiteas Cosanta Leanaí na gCoimisinéirí Ioncaim

Ainm agus sonraí teagmhála baill foirne sna Coimisinéirí Ioncaim le go ndéanfaí teagmháil leo más mian leo deacrachtaí/ábhair imní a ardú maidir le mí-úsáid, bulaíocht, iompar mí-oiriúnach nó aon ábhar imní don scoláire idirbhliana/duine óg,

Cuirfear na sonraí teagmhála seo agus cóip den ráiteas cosanta leanaí ar fáil do thuismitheoirí/caomhnóirí Fostaithe/Scoláirí agus Intéirneach faoi 18 mbliana d'aois.

Cuirfear na sonraí teagmhála ar fáil do bhainisteoir líne/maoirseoir na ndaoine óga faoi 18 mbliana agus cuirfear in iúl dóibh gur chóir teagmháil a dhéanamh leis an duine teagmhála cuí i gcás aon ábhair imní cosanta leanaí a bheith ardaithé ag aon duine de na daoine óga faoi 18 mbliana d'aois le linn an tsocrúcháin.

Is é an duine teagmhála cuí ná Príomhoifigeach/Príomhoifigeach Cúnta na nAonad Acmhainní Daonna Rannóige, ach amháin má tá an socrúchán in aonad mar sin. Sa chás sin, ainmneofar ball foirne ó Rannóg eile (An Rannóg Seirbhísí Corparáideacha). (Príomhoifigeach an Bhrairse Oibríochtaí agus Straitéise Acmhainní Daonna, an Rannóg Seirbhísí Corparáideacha CSD_HRSS_05_Unit@revenue.ie)

Gheobhaidh agus síneoidh gach ball foirne a dhéileálann le scoláirí idirbhliana nó a oibríonn le fostaithe faoi 18 mbliana d'aois, cóip de Ráiteas Cosanta Leanaí na gCoimisinéirí Ioncaim agus beidh oiliúint ríomhfhoghlama Tús Áite do Leanaí déanta ag an gcomhordaitheoir cláir/oifigeach idirchaidrimh/bainisteoir foirne ar an láthair.

Nuair a chuirtear duine ar shocrúchán sna Coimisinéirí Ioncaim, bíodh sé ar bhonn foirmiúil nó neamhfoirmiúil agus ar feadh gach cineál tréimhse:

Sannfar oifigeach idirchaidrimh/bainisteoir do dhuine faoi 18 mbliana d'aois agus déanfaidh sé nó sí an clár a bhainistiú/obair chuí a leithdháileadh,

Cinnteoigh an t-oifigeach idirchaidrimh/bainisteoir nach n-iarrfar ar an scoláire/fostaí a bheith i dteagmháil duine ar dhuine le duine ar bith duine fhoireann gan a bheith tionlactha, lena n-áirítear iad féin, nó le cliaint de chuid na gCoimisinéirí Ioncaim,

Cuirfear an scoláire/fostaí ar an eolas faoi bheartas meán sóisialta na gCoimisinéirí Ioncaim agus nach gceadófar teagmháil meán sóisialta ar bith le duine ar bith d'fhoireann na gCoimisinéirí Ioncaim ar feadh thréimhse an tsocrúcháin

Cuirfear an scoláire/fostaí ar an eolas faoi Chód Caighdeán agus Iompair na Státseirbhíse (agus cuirfear cóip de seo ar fáil) agus tagairt ar leith déanta don rannán ar Iompar ag an Obair: Caidreamh le Comhghleacaithe

Nuair atá socrúcháin á ndeimhniú ag daoine óga faoi 18 mbliana d'aois, tógfar aire agus seachnófar daoine óga/intéirnigh a chur i socrúcháin in aonaid ina mbeadh ábhar na hoibre anacrach nó mí-oiriúnach dóibh.

Mar chuid de na rialacha agus nósanna imeachta faoin Ráiteas Cosanta Leanaí, cuirtear in iúl do gach ball foirne a dhéileálann le scoláirí/daoine óga faoi 18 mbliana d'aois, ábhair imní faoi chosaint leanaí a thuairisciú don Teagmhálaí Ainmnithe.

Roimh an socrúchán, deimhneoidh Ceannasaí Rannóige an Aonaid ina sannfar an scoláire idirbhliana nó duine óg faoi 18 mbliana d'aois, don Fho-Rannóg Acmhainní Daonna, go bhfuil gach ball foirne san Aonad tar éis cóip de Ráiteas Cosanta Leanaí na gCoimisinéirí Ioncaim a fháil agus a shíniú sna 12 mhí roimhe;

Seiceálfaidh an Ceannasaí Aonaid i gceist leis an duine teagmhála a shanntar don scoláire/intéirneach/fostaí agus le gach ball foirne den Aonad, ar fhágáil an duine sin, faoi cé acu an ndearnadh nó nach ndearnadh aon nochtuithe nó ar ardaíodh aon ábhair imní, agus más ea, ar cuireadh ar aghaidh iad chuig an Teagmhálaí Ainmnithe.

Coinneoidh an Teagmhálaí Ainmnithe clár lárnach de nochtuithe a dhéantar faoi Bheartas Cosanta Leanaí na gCoimisinéirí Ioncaim.

Ina nósanna imeachta agus beartas d'fhostú scoláirí/fostaithe faoi 18 mbliana d'aois, cuirfidh an Fho-Rannóg Acmhainní Daonna riachtanas san áireamh go gcuirfí Bainisteoir Aonaid ina sannfar iad ar an eolas go bhfuil siad faoi 18 mbliana d'aois agus cóip a chur ar fáil don bhainisteoir de Ráiteas Cosanta Leanaí na gCoimisinéirí Ioncaim.